

柳田文庫
文庫11
D 287
4



文庫 11
D287
4

010190563788



元史本證卷十九

紹興先正遺書甲集之四

證誤十九

蕭山汪輝祖 男繼培補

杭忽思傳

阿速氏至代之 案敍杭忽思止百餘言詳其子阿塔赤事

阿塔赤自有傳作阿塔赤此較詳當刪彼存此

步魯合荅傳

蒙古宏吉刺氏祖按主奴太宗時率蒙古軍云云真除元帥

案按主奴即按竺邇自有傳此贅彼傳云雍古氏乃色

目非蒙古也

初按主奴三子長車里次黑子次帖木兒云云 案按竺邇

本證十九 證誤十九 一 會稽徐氏重榮



傳子十人徹里國寶最知名徹里即車里國寶即黑子一
名黑梓帖木兒即國安也事詳彼傳此並贅

玉哇失傳

宋洪安撫既降復叛 案即洪福

哈刺解傳

至順元年宋龍濟叛 繼培案成宗紀龍當作隆叛在大德

五年此至順元年四字誤衍

也罕的斤傳

命都元帥來世安守之 案世祖紀至元二十一年作袁世

安

忽刺出傳

曾祖阿察兒 至 歿于陣 案忽刺出祖直脫兒自有傳 此作赤脫

兒 并附敘忽刺出事此複當刪此云哈蘭朮賜金符彼作

虎符至元十二年攻宋六安軍彼作十一年未知孰是

宋張殿帥攻呂城 案即張彥見懷都傳

重喜傳

祖塔不已兒 案塔不已兒自有傳并詳重喜事此複當刪

傳于至元二年作十二年尤誤

脫歡傳

從攻揚州至泥湖遇宋軍奪三十餘艘遂進兵蘇州與宋軍

戰擒柳奉使 案柳奉使卽柳岳也世祖紀至元十三年正月宋主遣使上表曰臣昨嘗遣侍郎柳岳捧表馳詣闕庭云云伯顏傳十二年十二月次無錫宋將作監柳岳等奉其國主及皇太后書云云並無被擒之事又云衆軍次平江都統王邦傑通判王矩之率衆出降亦未嘗戰也此誤蘇州亦當作平江

完者拔都傳

完者拔都 案卽完者都已有傳此複當刪

暗伯傳

子亦憐眞班湖廣省左丞 案當云亦憐眞班自有傳其官

至江西左丞相嘗爲湖廣省左丞相此云左丞亦誤

昔都兒傳

左丞阿八 繼培案卽來阿八亦當作右丞

撒吉思傳

世祖卽位授北京宣撫 案紀中統三年以撒吉思行宣慰司於北京非宣撫也

月乃合傳

至仁宗朝詔行科舉曾孫祖常博學能文章鄉試會試皆爲舉首 至 謚文貞 案當云曾孫祖常自有傳餘皆贅

昔班傳

中統元年以爲眞定路達魯花赤改戶部尙書宗正府札魯
花赤尋命爲中書右丞商議政事 案世祖紀至元十三
年正月以眞定路總管昔班爲中書右丞三月爲戶部尙
書此敍尙書于右丞前誤

唐仁祖傳

至元二十八年左丞忻都 案宰相表當作右丞

小雲石脫忽憐傳

太祖時與其父來歸 至 斷事官 案敍小雲石脫忽憐止三
十言詳其子八丹事

朶羅台傳

從萬戶也速解兒 至 以疾退 案敍朶羅台止四十三言詳

其弟闊出事

也先不花傳

子阿榮由宿衛起家 至 都典制神御殿事 案當云阿榮自

有傳餘皆贅

鐵哥朮傳

曾祖父達釋 攷異云案下文云達釋之子野里朮又云鐵
哥朮野里朮之長子則此云曾祖父者誤也

塔出傳

布兀刺子也 案失書氏族

九年詔更統軍使爲行樞密院改僉樞密院事 案紀作行
樞密院副使

十四年授塔出資政大夫中書左丞行中書省事 繼培案

紀至元十四年置行中書省于江西以塔出爲右丞麥朮
丁爲左丞忙兀台哈刺解張榮實傳並作右丞此作左丞
誤

口兒吉傳

子香山 至 授左阿速衛都指揮使 案不詳所終

月舉連赤海牙傳

畏兀兒 案當作畏兀兒氏

阿荅赤傳

父昂和思 案即杭忽思自有傳并敍阿荅赤事 彼傳作此

阿塔赤 複當刪彼傳云戍鎮巢宋降將洪福以計乘醉而殺之此

云歿于陣亦異

忽林失傳

賞賚特厚子燕不倫 至 以世祖常御金帶賜之 案忽林失

不詳所終燕不倫事亦未全

徹里傳

子失列門 至 以功授左衛阿速親軍都指揮使司僉事 案

不詳所終

乞台傳

至元二十四年^至以疾卒 案敍乞台止五十餘言詳其子

哈贊赤事

和尚傳

命領入衛把總金鼓都鎮撫司事 案不詳所終

哈刺哈孫傳

王可汗與太祖約為兄弟 案紀太祖以汪罕^{即王可汗}與烈祖

交好尊之為父此云兄弟誤

十一月寢疾 案紀至大元年閏十一月卒

阿沙不花傳

丞相塔思不花三寶奴中丞伯顏等侍阿沙不花見帝容色

日悴云云 繼培案宰相表至大三年三寶奴為尙書省

左丞相阿沙不花薨于二年十月未及見也傳云二年薨

而武宗紀在元年亦異

拜住傳

太夫人教養之 案稱太夫人非例

察罕傳

河南平章囊加台 繼培案即囊加互本傳官河南平章在

仁宗時此於成宗未稱之誤矣

曲樞傳

伯都 明年至大二年拜中書參知政事 案宰相表至大元年
閏十一月已任參政

康里脫脫傳

尋召拜中書左丞相至大三年尚書省立遷右丞相四年正月復為中書左丞相 攷異云案武宗紀脫脫未嘗入尚書省其為尚書右丞相者乃脫虎脫也至大四年正月武宗崩仁宗命罷尚書省以丞相脫虎脫等變亂舊章流毒百姓命中書省臣參鞠皆伏誅安得有復為左丞相之事乎宰相表於至大元年二年三年書中書左丞相脫脫此康里脫脫也又于至大二年書尚書左丞相脫脫三年書

尚書右丞相脫脫此別是一人本紀所云脫虎脫也傳誤以為一人而賢否混淆矣輝祖案傳合脫脫虎脫為一人攷異辨之審矣然其誤有不止此者攷武宗紀大德十一年五月脫脫為御史大夫六月遙授左丞相八月封秦國公至大元年正月復入御史臺二月為仁虞院使六月加上柱國太尉十一月為左丞相二年十月知樞密院事三年三月傳第云拜御史大夫遷江南行臺御史大夫未改官紀不書當在元年復尋拜中書左丞相凡遙授封加之事見于入御史臺之前 紀者一切不書不知初為中書左丞相由仁虞使除非由南臺大夫遷再任中書左丞相由樞密院使除非由尚書

省改也立尙書省在二年八月傳云三年亦誤

燕鐵木兒傳

欽察氏 案當云欽察人伯岳吾氏證詳上土土哈傳

泰定帝崩于上都丞相倒刺沙專政宗室諸王脫脫王禪附之利于立幼燕鐵木兒時總環衛事畱大都自以身受武宗寵拔之恩其子宜纂大位云云卽命明里董阿荅刺麻失里迎文宗于中興 案據此則謀立文宗在泰定旣崩之後矣文宗紀致和元年春大駕出敗柳林以疾還宮諸王滿秃等與燕鐵木兒謀遣雍古台遷帝居江陵是謀立在致和元年春也任速哥傳泰定中速哥密與速速謀曰

武宗次子懷王人望所歸而近在金陵若能同心推戴以圖大計則先帝之讐可雪也冬以所謀告燕鐵木兒致和元年懷王自金陵遷江陵是謀又在致和未改元先也燕鐵木兒身事泰定謀立文宗已爲不臣復爲文宗謀弒明宗專權樹黨姦過鐵木迭兒逆侂鐵失順帝撤文宗廟主僅斥明里董阿等爲賊臣而燕鐵木兒之王爵追封如故失刑甚矣傳惟書其自秉大權以來至溺血而薨略著震主之威而諱其文宗天曆二年前種種不臣之實曲筆如此何以示信

辛酉以燕鐵木兒兼奎章閣大學士領奎章閣學士院事

案上文十一月癸未不當更有辛酉攷文宗紀在至順三年二月辛酉此誤書于二年十一月也

伯顏傳

三年正月拜知樞密院事 案天曆三年改元至順志傳往往互書然傳下文又云至順元年則此誤矣

馬札兒台傳

六年召拜中書右丞相云云明年封忠王至正七年詔安置甘肅以疾薨 案順帝紀至元六年四月詔封馬札兒台為忠王馬札兒台辭至正元年四月復封傳不書至正元年而書明年下方書至正七年誤也紀七年六月安置西

寧州十一月薨脫脫傳詔徙甘肅復移西域撒思之地召還甘州就養薨傳亦略

脫脫傳

六年二月命中書平章政事只兒瓦歹齋詔赴柳林 案宰相表只兒瓦歹為平章政事在五年注後罷為承旨此于六年稱平章疑誤

二年五月用參議孛羅等言 繼培案河渠志三許有壬傳並作孛羅帖木兒此誤

龔伯遂 繼培案烏古孫良楨虞集傳並作伯遂
乃蠻台傳

七年拜嶺北行省右丞 攷異云案此文在大德五年之下
則是大德七年矣攷大德十一年始置和林行省皇慶元
年改爲嶺北省是大德以前未有嶺北行省傳文當有脫
誤

至元三年詔乃蠻台襲國王 案順帝紀朶兒只傳俱作四
年

鐵木兒塔識傳

國王脫脫之子 攷異云案元時惟木華黎後裔得襲國王
之號鐵木兒塔識系出康里氏其父脫脫雖封和寧王不
得蒙國王之稱也

達識帖睦迺傳

以完者爲海北宣慰使都元帥尋陞江浙行省參政至是遂
陞右丞 繼培案傳書此事于至正十六年後順帝紀至
正十七年八月江浙行省參知政事楊完者陞左丞與此
年月官職並異慶童傳云達識帖睦迺承制授完者江浙
行省右丞然則右丞乃承制所授而左丞則朝命也
荅失入都魯傳

十七年三月加太尉四川行省左丞相 案紀在四月
慶童傳

至正十年遷平章行省江浙在江浙七年涉歷險艱績甚優

著召拜翰林學士承旨改淮南行省平章政事 案紀由承旨拜淮南平章在十五年此云在江浙七年由十年數之當在十六年矣

馬祖常傳

世爲雍古部居靖州天山高祖錫里吉思金季爲鳳翔兵馬判官子孫因其官以馬爲氏 案月乃合傳云曾祖帖木爾越哥仕金爲馬步軍指揮使官名有馬因以馬爲氏二傳互異祖常卽月乃合之曾孫複書世系亦非例

夔夔傳

祖燕眞事世祖從征有功 案燕眞事已見不忽朮傳此複

回回傳

在成宗朝宿衛擢太常寺少卿寺改爲院爲太常院使武宗

正位云云 案紀改寺爲院在大德十一年九月此書于

武宗正位前誤

擢中書右丞力辭還第 案宰相表天曆元年右丞回回九月至十一月是已任事也

自當傳

蒙古人也 攷異云案自當爲別兒怯不花之兄當云燕只吉解氏

會次三皇后殂命工部撤行殿車帳皆新作之 攷異云案

本語十九
順帝紀至正七年隆福宮三皇后宏吉刺氏木納失里薨
疑卽此事傳誤繫之泰定二年後耳

帝欲加號太后曰太皇太后命朝堂議之自當獨曰太后稱
太皇太后於典禮不合衆皆曰英宗何以加皇太后曰太
皇太后自當曰英宗孫也今上子也太皇太后之號孫可
以稱之子不可以稱之也議遂定 攷異云案傳書此事
于文宗卽位之前則亦在泰定朝也攷泰定初立時母妃
久已先歿故紀書至治四年十二月請皇考皇妣諡於南
郊尊皇妣晉王妃曰宣懿淑聖皇后而后妃傳載泰定四
年冊文有云仰徽音之如在慨至養之莫加是泰定帝未

嘗加尊其母爲太后安得有加號爲太皇太后之事乎以
太后爲太皇太后惟見於順帝之世使自當果有此議當
在順帝時然議而不從又不當云議遂定也

泰不華傳

世居白野山 繼培案野當作里卽土土哈傳所謂玉里伯
里山也

道童傳

朝廷以道童捍城有功加大司徒開府仍賜龍衣御酒及秋
朝廷命亦憐眞班爲江西行省左丞相火你赤爲左丞同
將兵來江西 繼培案順帝紀至正十二年三月亦憐眞

本證十九
班爲江西行省左丞相閏三月有江西行省右丞火你赤而道童加大司徒則在十五年此書加大司徒于亦憐眞班爲丞相之前又以右丞爲左丞並誤亦憐眞班傳

父俺伯以忠勤事世祖爲知樞密院事 案俺伯卽暗伯自有傳忠勤云云皆贅

江西左丞火你赤 案順帝紀當作右丞證見上

月魯不花傳

因受業于韓性先生 案稱先生非例

元史本證十九

光緒十五年徐氏鑄學齋重刊

上虞王士濟校

元史本證卷二十

證誤二十

紹興先正遺書甲集之四

蕭山汪輝祖 男繼培補

耶律鑄傳

至元二年行省山東 案世祖紀在元年

五年復拜光祿大夫中書左丞相十年遷平章軍國重事

案紀鑄于七年正月罷相傳不書則似五年至十年俱為

左丞相矣

粘合重山傳

立中書省以重山有積勳授左丞相時耶律楚材為右丞相
凡建官立法多出楚材而重山佐成之太宗七年 案太

元史本證卷二十 證誤二十 一 會稽徐氏重榮

宗紀二年立中書省改侍從官以耶律楚材爲中書令粘
合重山爲左丞相鎮海爲右丞相此敍立中書省於太宗
前又以耶律楚材爲右丞相皆誤

子南合中統元年兩遷宣撫使明年授中書右丞中興等路
行中書省事三年遷秦蜀五路四川行中書省事明年授
中書平章政事四年病卒 案紀至元元年五月由左丞
陞平章政事四年二月復入傳有脫誤

楊惟中傳

初滅金時以監河橋萬戶劉福爲總管福貪鄙殘酷虐害遺
民二十餘年惟中至召福聽約束福稱疾不至惟中設大

挺于坐復召之使謂福曰汝不奉命吾以軍法從事福不
得已以數千人擁衛見惟中惟中卽握大挺擊仆之數日
福死 攷異云案趙璧傳河南劉萬戶貪淫暴戾其黨董
主薄尤恃勢爲虐強取民女有色者三十餘人璧至案其
罪立斬之劉大驚時天大雪因詣璧相勞苦且酌酒相賀
曰經略下車誅鉏強猾故雪爲瑞應璧曰如董主薄比者
尙有其人俟盡誅之瑞應將大至矣劉屏氣不敢復出語
歸臥病而卒時人以爲懼死所云劉萬戶者卽劉福也壬
子歲世祖立經略使于汴以忙哥史天澤楊惟中趙璧爲
使惟中久當樞軸遇事能斷而璧實助之然兩傳言劉福

事互異

張柔傳

金主敗走睢陽 攷異云案史臣紀事不當用古地名此傳
金主走睢陽金主走汝南當時無此郡縣名也

史天倪傳

乃以天倪爲萬戶 案當作千戶證詳太祖紀

樞

已卯從略地關右生擒鄜州驍將 案太祖紀克鄜州在辛

巳木華黎史天祥傳同此誤

天祥

已卯下河東平陽河中崞嵐絳石隰吉廓等八十餘城 案

太祖紀木華黎自西京入河東克太原平陽在十三年戊

寅克崞嵐吉隰等州在十四年已卯木華黎傳同此誤合

爲一

董俊傳

已酉僊果殺都元帥史天倪 案天倪傳已酉當作乙酉

嚴實傳

秦康長清人 案地理志康當作安

劉伯林傳

壬申歲太祖圍威寧伯林知不能敵乃縋城詣軍門請降

繼培案紀及石抹狗狗傳並在辛未歲

郭寶玉傳

癸酉從木華黎取永清破高州降北京龍山復帥抄馬從錦

州出燕南破太原平陽諸州縣 案太祖紀克高州在甲

戌癸酉乃掠平陽太原其克太原平陽在戌寅此皆誤

德海

辛卯春正月睿宗軍自洛陽來會於三峯山 案睿宗傳戰

三峯山在壬辰

移刺捏兒傳

遼亡金以爲參議畱守等官皆辭不受聞太祖舉兵私語所

親曰爲國復讐此其時也 攷異云案遼亡之歲歲在乙

巳卽宋宣和七年至元太祖建號之年丙寅相距八十餘歲若遼

亡時巳能辭官則此時年近百歲必無能攻戰之理史家

以其系出耶律妄爲此說而不悟年歲之不符也

致拒戰捏兒出奇兵掩擊斬致 攷異云案木華黎王珣傳

俱云張致部將高益縛致出降獨此傳云掩擊斬致恐未

足信

復從木華黎攻益都 攷異云案太祖丙戌歲平益都其時

木華黎巳前卒矣領兵者木華黎之弟帶孫也

王珣傳

丙子春張致僭號錦州 案太祖紀在乙亥四月
何瑋傳

三十一年拜中書參知政事時宰執凡十一人瑋曰古者一
相專任賢也今宰執員多政出多門轉相疑忌請損之不
從遂乞代 案宰相表何於三十一年為參政其年至元
貞二年右丞相至參政皆十二人大德元年凡十六人何
於是年五月去中書其乞代當因十六人也傳云十一人
疑誤

郝和尚拔都傳

天挺河南江北行中書省平章政事 案當天挺自有傳

敘官贅彼傳云出於朶魯別族自曾祖而上居安肅州此
傳云太原人亦誤

趙瑄傳

雲中蔚州人 案元無雲中郡名

中統元年詔立十道宣慰使以瑄為順天宣慰使 案紀在
三年

石抹明安傳

中都既下加大傅邵國公 案三公表引和林廣記稱太保
未知孰是

張榮傳

丙申從諸王闞端破宋棗陽仇城等三縣 攷異云案太宗紀乙未歲皇子闞端征秦鞏皇子曲出即闞伐宋十月曲出圍棗陽拔之則榮所從者當是闞出非闞端也仇城字疑有誤

世祖即位封濟南公致仕 攷異云案世祖紀中統二年封濟南路萬戶張榮濟南公傳不云授濟南路萬戶史之闕也下文云長子邦傑襲爵孫宏襲邦傑爵所襲即萬戶之職非襲其公爵

劉亨安傳

丙戌歲金將移剌副樞攻絳州城陷死之木華黎承制命亨

安領其眾 攷異云案木華黎以癸未歲卒子孛魯嗣爲國王上文已書國王孛魯矣此卻書木華黎何其前後不檢照也

辭塔刺海傳

弟軍勝襲憲宗八年從世祖攻釣魚山 案憲宗紀八年戊午十一月命忽必烈即世祖統諸路蒙古漢軍伐宋九年七月帝崩于釣魚山世祖紀戊午冬十一月禡牙于開平東北已未八月渡淮九月朔親王穆哥自合州釣魚山遣使以憲宗凶問來告是攻釣魚山者乃憲宗非世祖且事亦在九年也

取蘇州 案地理志當作平江

高闢兒傳

事太祖 至 憫其老管領山前十路匠軍 案敍闢兒止三十

餘言詳其子元長事

王義傳

深冀之間遂為樂土云 案不詳所終

趙迪傳

歲壬午改藁城為永安軍 攷異云案王善傳壬午陞藁城

為匡國軍董俊傳陞藁城縣為永安州號其軍為匡國永

安乃州名非軍名也傳誤

即順傳

十四年移龍興 案地理志二十一年改隆興府為龍興十

四年不當稱龍興也下十七年鎮龍興路誤同

杜豐傳

從國王按察兒攻平陽 繼培案下又作阿察兒皆即按札

兒本傳云攝國王非實封國王也李伯溫傳亦稱權國王

石抹孛迭兒傳

戊寅從定太原忻代平陽吉陽崑崙汾石絳州河中潞澤遼

沁 案太祖紀是年惟克太原平陽忻代澤潞汾霍等州

其克崑崙吉陽絳等州在己卯木華黎傳同此併敍一年

誤

張榮傳

歲甲戌從金太保明安降 攷異云案石抹明安仕金未嘗為太保此云金太保誤

張子良傳

歲戊戌率泗州軍民因元帥阿朮來歸太宗命為東路元帥

案戊戌為太宗十年阿朮傳云至元二十四年卒年五

十四是戊戌時甫五歲安有為元帥之事傳誤甚矣

攷異云傳所据者虞集張宣敏公神道碑文碑云歲戊戌因大帥河南忠武王阿朮以歸亦祗就行狀書之未能稽攷於國史也攷察罕傳歲戊戌授馬步軍都元帥率諸翼軍攻拔天長縣及滁壽泗等州乃悟子良本因察罕以降察罕封河

南王諡忠宣後人誤以為阿朮耳

七年罷元管戶隸諸郡縣 案七年上失書至元

石抹阿辛傳

迪列紇氏 案即石抹也先已有傳此複出當刪彼傳云從

國王塔思征萬奴此云從國王軍征萬奴又云木華黎解

錦衣賞之則誤塔思為木華黎矣

劉敏傳

中書左丞粘合重山 案重山傳左丞當作左丞相但重山

卒於太宗十年前今傳繫于辛丑之下則太宗十三年矣

亦誤也繼培案太宗紀三年辛卯以粘合重山為左丞相

此辛丑蓋辛卯之譌

石天麟傳

憲宗六年遣天麟使海都拘留久之既而邊將劫皇子北安王以往寓天麟所云云被拘留二十八年始得還 案傳云二十八年則自憲宗六年至世祖至元二十年俱在海都處矣世祖紀至元十三年二月伯顏令左右司官石天麟入城取軍民錢穀之數豈別一人耶劫北安王者乃叛王昔里吉稱邊將亦誤

賈居貞傳

初遣鄭萬戶討賊 案陳天祥傳作鄭鼎臣即鄭鼎有傳

子鈞仁宗即位拜參知政事議罷尙書省所立法遷僉樞密

院復參知政事 案武宗紀鈞兩拜參知政事一在至大

二年十月一在三年二月傳云仁宗誤也

子汝立嗣 攷異云案史稱某人嗣者皆謂先世有封爵以

其人承襲也賈氏無世職不當云嗣

洪福源傳

甲寅與札刺台合兵攻光州安城忠州元鳳珍原甲向玉果

等城又拔之 繼培案憲宗紀五年乙卯命劄刺解刺台

與洪福源同征高麗後此又連三歲攻拔其光州等城此

併作甲寅事誤

君祥

有宋洪都統者 案是洪模見世祖紀至元十三年

大德九年擢司農俄拜中書右丞 案上已書大德此衍為

右丞在七年 宰相表同 傳云大德三年奉使江浙使還退居昌

平之皇華山絕口不論時事者五年以三年五年計之又

似九年疑退居云云非實事

萬

至元二十四年九月哈丹入刺哈赤再叛十月從諸王愛牙

哈赤平章塔出都萬戶闍里鐵木兒征之 繼培案塔出

傳拜遼陽行省平章在二十九年之後此時方為右丞紀

于是月書徹里帖木兒為遼陽行省平章王綽傳亦云征

哈丹隸平章闍里帖木兒麾下此稱都萬戶亦誤

子滋襲爵 案爵當作職

鄭鼎傳

宋將余侍郎燒絕棧道 案是余玠見汪德臣傳

庚戌從憲宗征大理國自六盤山經臨洮下西蕃諸城抵雪

山山徑盤屈舍騎徒步嘗背負憲宗以行俄圍大理晝夜

急攻城陷禽其王大理平 案憲宗紀二年壬子命忽必

烈 即世祖 征大理三年癸丑大理平甲寅忽必烈還自大理

是征大理在壬子乃世祖非憲宗也世祖紀壬子歲六月

奉命帥師征雲南癸丑八月師次臨洮九月次忒刺分三道以進帝由中道至滿陀城十月過大渡河又經行山谷二千餘里十二月薄大理城獲高祥斬於姚州留大將兀良合帶戍守以劉時中爲宣撫使與段氏同安輯大理遂班師亦與此傳事合

乙未賜白金千兩從世祖南伐 攷異云乙未當作己未
謁只里傳

元兵東下 案元兵當作國兵

元史本證二十

光緒十五年徐氏鑄學齋重刊

上虞王士濟校

本證二十一
三峯山大破之詔塔察兒等進圍汴城金主卽以兄子曹王訛可爲質太宗與睿宗還河北是太宗北還亦在圍汴之後也

中統元年世祖卽位 案世祖卽位建元中統不當繫卽位于紀元之下

丞相線眞將右軍 案宰相表線眞爲右丞相在中統四年此書丞相于二年又脫右字皆誤

四年改中書左丞相六年帝以宋未附云云七年以疾還燕八年進開府儀同三司平章軍國重事十一年與丞相伯顏總大軍自襄陽水陸並進 案紀六年九月以忽刺出

史天澤並平章政事傳不書似四年至七年俱官左丞相矣十一年三月伯顏史天澤並爲左丞相行中書省于荆湖傳亦不書似十一年仍以平章軍國重事出軍矣

子格湖廣行省平章政事 案格下有傳此敍官贅

董文炳傳

事母李夫人夫人有賢行 案當云李氏稱夫人非例

九年遷樞密院判官行院事于淮西築正陽兩城十年拜參知政事 案紀十年四月董文炳行淮西樞密院事守正陽十一年二月爲參知政事行中書省于淮西此俱誤先一年參政又失書淮西行省

張宏範傳

至元二年移守大名歲大祲漂沒廬舍租稅無從出宏範輒免之朝廷罪其專擅宏範請入見云云帝曰知體其勿問案紀四年七月大名路總管張宏範等盜用官錢罷之與傳迥異

劉秉忠傳

移刺中丞 案卽耶律楚材官中書令非中丞也

張文謙傳

中統元年世祖卽位 案誤同史天澤傳

郝經傳

祖天挺元裕嘗從之學 案元好問字裕之不書名而稱字

又刪之字皆誤

昨奉命與張仲一觀新月城 案仲一爲張易之字當書名

塔察國王與李行省 案行省卽李壇

經還之歲汴中民射雁金明池得繫帛書詩云霜落風高恣所如歸期回首是春初上林天子援弓繳窮海纍臣有帛書至元五年九月一日放雁獲者勿殺國信大使郝經書於真州忠勇軍營新館 案紀經還在至元十二年此云

經還之歲又云至元五年誤 攷異云案輟耕錄載此事本經又被羈未知至元之改元也

姚樞傳

二年拜太子太師 案二年前上失書中統

十年拜昭文館大學士 案十年前上失書至元

從子燧官至翰林學士 至 諡曰文 案燧自有傳此贅

許衡傳

中統元年世祖即皇帝位 案誤同史天澤傳

國家自得中原用金大明歷 案歷議已見本志及郭守敬

傳衡止領太史院耳書修歷事凡四百言皆贅

李俊民傳

嘗令張仲一 案誤同郝經傳

宋子貞傳

至元二年拜中書平章政事三年十一月懇辭乃得請 案

紀三年二月為平章政事十一月致仕與此異

趙良弼傳

脫兀脫以斷事官鎮邢其屬要結罪廢者交構嫌隙動相沮

撓世祖時征雲南良弼馳驛白其事遂黜脫兀脫罷其屬

郡大治 攷異云案世祖紀以脫兀脫及張耕為邢州安

撫使劉肅為商權使邢乃大治張文謙傳文謙與劉秉忠

言今民困敝莫邢為甚盍擇人往治之乃選近侍脫兀脫

尚書劉肅侍郎李簡往三人至邢協心為治洗滌蠹敝革

除貪暴流亡復歸不期月戶增十倍據紀及彼傳則脫兀脫治那有績可稱獨良弼傳乃言其短此吳縝所謂予奪不常也

趙璧傳

自是牙老瓦赤不復用 攷異云案憲宗紀元年以牙刺瓦赤不只兒等充燕京等處行尚書省事世祖紀憲宗令斷事官牙魯瓦赤與不只兒等總天下財賦於燕卽牙老瓦赤也牙老瓦赤在憲宗朝任用如故傳云不復用者誤

河南劉萬戶 案是劉福見楊惟中傳

中統二年以平章政事兼大都督領諸軍 案紀中統二年

十月命平章政事趙璧領蒙古漢軍平章是虛銜三年二月以趙璧爲平章政事是正授傳載虛銜而不書正授誤也

十年復拜平章政事 案紀在九年

王磐傳

擢至大四年經義進士第 案王鶚傳至大當作正大

高鳴傳

河東元裕 案誤同郝經傳

劉肅傳

孫賡翰林學士承旨 案當云孫賡自有傳彼傳云五世祖

逸以郡吏治獄有陰德乃肅祖也當刪彼敘此

王思廉傳

大德元年成宗即位 案成宗即位至元三十一年次年

改元元貞又二年改大德此繫即位于大德元年後誤矣

楊文安傳

十九年春入覲擢龍虎衛上將軍中書左丞行江西省事到

官逾月以疾卒 案紀二十年正月以四川歸附官楊文

安為荆南道宣慰使豈未及聞命而卒耶抑卒非十九年

耶當必有一誤矣

劉整傳

三月破樊城外郭 案上已書三月此衍

李忽蘭吉傳

佐汪惟正立利州 案當作汪德臣見本傳

李庭傳

十七年拜中書左丞 案紀當作參政觀傳下云二十四年

遙拜中書省左丞則是時非拜左丞可知相威傳十八年

亦稱參政

史弼傳

擒其將張都統 案是副將張林見世祖紀

元貞元年起同知樞密院事月兒魯奏云云拜江西等處行

中書省右丞三年陞平章政事封鄂國公卒於家 案紀
元貞無三年弼爲同知樞密院事在武宗至大三年爲平
章在仁宗延祐五年然月兒魯卒於元貞元年則所奏當
在成宗時傳必有脫誤矣

劉國傑傳

奪黃鵠船數百艘 案世祖紀至元十二年作黃鵠白鷁船

李德輝傳

正月癸丑汪世顯宿兵利州 案世顯當作田哥證詳拜延
入都魯傳

至元十五年再圍重慶踰月拔之東川樞府懲前與西川相

觀望致敗惡相屬願獨軍圍合州德輝乃出合俘繫順慶
獄者縱之使歸語州將張珏珏未及報而德輝還王邸旣
而合州遣李興張卻十二人訶事成都皆獲之釋不殺復
爲書縱歸使諭其將王立立亦計夙與東府有深怨懼誅
卽使興等道帥幹楊獬懷蠟書閒至成都降德輝卽單舸
濟江薄城下呼立出降 案紀至元十三年二月安西王
相府請頒詔招合州張珏珏十六年正月合州安撫使王立
以城降先是立遣閒使降安西王相李德輝東川行院與
德輝爭功德輝單舸至城下呼立出降兩事不同時傳并
繫于十五年之下誤矣

本登二十一

證誤二十一

七

會稽徐氏重棊

攷異云案此傳全取行狀之文行
狀於願獨軍圍合州之下云初公

撫蜀徑東川歸以爲重慶帥聞受圍必徵諸屬州兵盡銳拒守合州宜虛誠使謀人持書曉之兵隨其後亦制合一奇也卽出合俘繫順慶獄者縱之云云蓋德輝以書招張珏在至元十三年撫蜀之日其招降王立則在十五年拔重慶之後兩事本不同時行狀所載乃追述前事本傳刪去四十餘字則誤以爲十五年事矣不知德輝還王邸在行院西川之前旣還王邸安得猶在成都其文已相牴牾且張珏以德祐二年擢至珏自合州入重慶至是年元兵拔重慶珏走且被執矣珏之去合州已將兩載安得有招珏之事乎張卻呂或傳作張卻此亦誤賀仁傑傳作合亦卻字之壞

十七年置行中書省以德輝爲安西行省左丞是年西南夷云云德輝卒 案紀是年七月立行省於京兆以前安西相李德輝爲參知政事十月立陝西四川等處行中書省以李德輝爲左丞時德輝已卒是安西行省德輝止爲參

政其爲左丞則在陝蜀行省且未聞命而卒也傳俱誤

張雄飛傳

琅邪臨沂人 案元無此郡縣名

世宗大悅 案宗當作祖

先是荆湖行省阿里海牙以降民三千八百戶沒入爲家奴自置吏治之歲責其租賦云云雄飛入朝奏其事詔還籍爲民 繼培案相威傳至元十九年奏阿里海牙占降民一千八百戶爲奴阿里海牙以爲征討所得有旨果降民也還之有司若征討所得令御史臺籍其數以聞量賜有功者紀同與此傳事正相類且彼云一千而此云三千又繫

其事于六年之前皆可疑也

塔卽古阿散請檢核前省錢穀云云俄以罪誅 案紀荅卽

古阿散理算錢穀在至元二十二年以不法誅在元貞元

年傳並繫于二十一年之下誤

二十一年盧世榮以言利進用 案上文已有二十一年此

衍

張德輝傳

元裕 案誤同郝經傳

程思廉傳

二十六年立雲南行御史臺 案紀在二十七年

烏古孫澤傳

會行省檄唆都與左丞塔出 案紀塔出時官右丞

趙炳傳

仁榮仕至中書平章政事 案宰相表平章無趙仁榮名成

宗紀大德八年趙仁榮爲參知政事十一年除太子詹事

惟英宗紀延祐七年以陝西行省平章政事趙世榮爲中

書平章政事此豈誤世榮爲仁榮耶

王恂傳

十六年授嘉議大夫太史令 案十六年上失書至元

楊桓傳

其文曰受天之命 案成宗紀按札兒崔或傳並作受命于天

王構傳

桑哥為相俾與平章卜忽木檢覈燕南錢穀 案紀至元二

十八年正月桑哥以罪罷二月以不忽木即卜忽木為平章政

事本傳同此於桑哥為相時稱平章誤

張禧傳

從宗王合伍 攷異云當作合丹

十七年加鎮國上將軍都元帥時朝廷議征日本云云八月

颶風大作文虎庭戰艦悉壞 案李庭傳事在十八年

管如德傳

擒其帥張都統等 案是張林見紀

趙匣刺傳

始以父任為千戶 案失書里居

張萬家奴傳

父札古帶 案失書里居

蔡公直傳

十八年五月陞都元帥宣慰使鎮別十八里 繼培案紀成

別失八里在十七年正月為萬戶時

鮮卑仲吉傳

歲壬辰平蔡有功 案金亡於蔡紀金亡在甲午此云壬辰
平蔡疑誤

完顏石柱傳

祖德住 案失書里居

王惇傳

五年加鎮國上將軍安撫使 案當作十五年

羅璧傳

右丞阿里海牙領軍下江陵璧從禩孫降授管軍千戶至元

五年從元帥張宏範定廣南賜金符陞管軍總管 案紀

朱禩孫之降在至元十二年張宏範由海道討宋餘衆在

十五年羅璧以收宋二王有功陞管軍總管金符在十七
年傳誤甚矣繼培案十五上當脫十字究其致誤之由
蓋因下文有至元十二年始運江南糧云云削去十字於
文較順不知下云十二年乃為十九年通海運而追敘之
特文義未甚明哲以致後人誤點耳

石高山傳

父忽魯虎太宗賜以東昌廣平四十餘戶 繼培案食貨志

忽都虎官人五戶絲壬子年查認過廣平等處四千戶忽

都虎即忽魯虎也此四十當作四千

在昔太祖皇帝所集按察兒孛羅窟里台孛羅海拔都闊闊

不花五部探馬赤軍 攷異云案闊闊不花傳歲丙申太宗命五部將分鎮中原闊闊不花鎮益都濟南按察兒鎮平陽太原孛羅鎮眞定肖乃台鎮大名怯烈台鎮東平怯烈台卽窟里台也此傳述五部將之名有孛羅海拔都而無肖乃台未知孰是繼培案兵志一中統三年詔眞定彰德邢州洛磁東平大名平陽太原衛輝懷孟等路各處有舊屬按札兒卽按察兒孛羅笑乃解卽笑乃台闊闊不花不里合拔都兒卽孛羅海拔都等官所管探馬赤軍人悉僉爲軍有肖乃台而無窟里台又與此異

孟德傳

丁巳從伯顏攻襄樊 案憲宗紀七年丁巳宗王塔察兒率諸軍南征圍樊城非伯顏也伯顏于至元初自西域入事世祖安得有丁巳攻襄樊之事乎

鄭義傳

初事太宗 至死之 案敍義止四十言詳其子孫事

張榮實傳

中統元年帝卽位 案繫卽位于建元之下誤

至元五年從丞相阿朮攻襄陽敗夏貴擒張順又攻樊城

案阿朮傳事在九年且順於八年被斬見劉整傳此云擒順皆誤

楚鼎傳

遂領之以歸 案不詳所終

樊楫傳

至元二十四年復征交趾進行中書省參知政事 案紀二

十四年所置乃尚書省楫為參政在二十三年

張均傳

三十年世祖親征乃顏以扈從受賞 案紀親征乃顏在二

十四年此當以受賞追敘義未明哲

趙宏偉傳

甘陵人 案元無此郡縣名

趙璉別有傳 案璉為宏偉孫不當繫姓

元史本證二十一

光緒十五年徐氏鑄學齋重刊

上虞王士濟校

元史本證卷二十二

證誤二十二

蕭山汪輝祖 男繼培補

張立道傳

除忠慶路總管 案地理志忠當作中

三十七年北京地陷人民震驚命立道為本路總管未行安
南世子陳日燇遣其臣嚴仲羅陳子良等詣京師請襲爵
云云遂授禮部尚書佩三珠虎符賜衣段金鞍弓矢以行
至安南界云云乃先遣其臣阮代之何惟巖等隨立道上
表謝罪 案紀至元二十五年改北京為武平路此繫舊
名誤也使交趾在二十八年以阮代之等至闕在二十九

年傳並敍于二十七年亦誤

張惠傳

至元元年冬遷參知政事行省山東 案紀在八月冬字疑誤

十二年春宋降 案二當作三

譚資榮傳

譚資榮 案譚當作覃證詳譚澄傳

興德懷來人 至時年四十 案敍資榮止一百十五言詳其

子澄事澄在良吏傳當云自有傳然兩傳事多不同亦可互證也

王惲傳

裕宗在東宮惲進承華事略其目曰廣孝立愛端本進學擇術謹習聽政達聰撫軍崇儒親賢去邪納誨幾諫從諫推恩尚儉戒逸知賢審官凡二十篇 繼培案裕宗傳載承華事略篇目撫軍下有明分無知賢

裕宗覽之至漢成帝不絕馳道唐肅宗改服絳紗為朱明服心甚喜曰我若遇是禮亦當如是又至邢峙止齊太子食邪蒿顧侍臣曰一菜之名遽能邪人耶詹事丞孔九思從旁對曰正臣防微理固當然太子善其說賜酒慰諭之令諸皇孫傳觀稱其書宏益居多 繼培案孔九思裕宗傳

作張九思有傳此誤漢成帝以下已見裕宗傳此允復當刪
但云裕宗善之令諸皇孫傳觀云云足矣

陳天祥傳

萬戶鄭鼎臣 案卽鄭鼎有傳

劉宣傳

二十三年十二月 案上已書二十三年此衍

何榮祖傳

詔命榮祖與左丞郝禎參政耿仁傑鞠之 案宰相表至元
十六年十七年郝禎耿仁同爲參政十八年十九年同爲
左丞無郝爲左丞耿爲參政之時以耿仁爲耿仁傑亦誤

賀仁傑傳

四川制置使張珏守重慶至呂或至都以兵事告許衡 案
凡一百四十餘言已詳或傳此宜節

劉哈刺入都魯傳

本姓劉氏 繼培案傳首已繫姓不當又云本姓劉氏竊意
哈刺入都魯賜名後卽不書姓與蒙古同故國史立傳云
本姓劉氏修史時冠姓于名而又失刪此四字也

石抹明里傳

姓石抹 案傳首已著姓不當又云姓石抹

張九思傳

上黨宋道 案本傳作宋衛

王伯勝傳

元貞元年進階嘉議大夫成宗即位復進通議大夫 案繫

即位于改元之後誤

五年扈從大都 案五年上失書大德

尙文傳

七年召拜中書右丞 案紀作左丞宰相表同此誤

梁德珪傳

至元三十一年拜參知政事 案上已書至元此衍

大德間成宗即位 案成宗即位改元元貞復改大德此誤

鄧文原傳

至順五年制贈文原江浙行省參知政事 案紀至順四年

順帝改元元統未嘗有五年也

齊履謙傳

字伯恒 案失書里居

崔斌傳

十年拜行中書省參知政事云云進資善大夫行中書省左

丞 案紀為參政在至元十一年左丞在十四年傳並敍

於十年誤

崔彧傳

先是彧得玉璽於故臣札刺氏之家至授於成宗 案得玉璽事見成宗紀及按札兒傳又于楊桓傳詳書之且据按札兒傳則按札兒曾孫闊闊出得之拾得家以示彧彧請獻之徽仁裕聖皇后亦非彧得也此復而誤

葉李傳

會桑哥事敗頗連及同列久之李獨以疾得請南還揚州儒學正李淦上書云云 案桑哥傳世祖遣諭旨翰林諸臣以丞相領尚書省漢唐有此制否咸對曰有之翊日左丞葉李以翰林集賢諸臣所對奏之且言前省官不能行者平章桑哥能之宜爲右丞相制曰可遂以桑哥爲右丞相

於是桑哥奏以葉李遷右丞本傳李淦言葉李舉桑哥之罪而不書此事則未見其實也

劉賡傳

洛水人 案肅傳已書里居此當刪

祖肅爲右三部尚書 案肅傳右當作左

六年奉使宣撫陝西 案紀在大德七年

郝天挺傳

又遷四川省參政及江浙行省左丞俱不赴拜中書右丞成宗崩武宗入正大統定策之際天挺與有力焉 案武宗紀大德十一年七月以江浙行省左丞郝天挺爲中書左

丞時武宗卽位兩月矣宰相表同傳敍于成宗時又以左丞爲右丞皆誤

張珪傳

皇慶元年拜樞密副使延祐二年拜中書平章政事 案紀拜平章亦在皇慶元年十二月

李孟傳

至元十四年云云後以事至京師中書右丞楊吉丁一見奇之薦于裕宗 案楊吉丁名不再見疑卽成宗紀右丞楊炎龍

至大三年三月特授榮祿大夫中書平章政事集賢大學士

同知樞密院事 案紀在正月

至治九年卒 案至治無九年疑元年之誤

敬儼傳

詔設科舉儼薦臨川吳澂金陵楊剛中爲攷試官得人爲多其年冬移疾退居眞州除江南諸道行御史臺侍御史不赴四年春詔促就前職以疾辭 案此四年上脫延祐二字然攷仁宗皇慶二年冬十月行科舉詔天下以皇慶三年八月天下郡縣與其賢者能者充貢有司則澄與剛中主試當在延祐元年儼之拜侍御又不知在何年矣吳澂卽吳澄本傳云撫州崇仁人此云臨川人亦異

本證二十一 證誤二十二 會稽徐氏重聚

五年五月拜中書參知政事 案紀在四月

泰定四年九月帝特署為中政院使云云是月拜中書平章

政事云云天曆改元居月餘傷足告歸 案紀拜平章在

天曆元年十一月此書于天曆改元前誤

曹伯啟傳

御史觀音奴等 繼培案英宗紀及各傳皆作觀音保此誤

王壽傳

未幾更拜左丞 案武宗紀作右丞宰相表同此誤

謝讓傳

二年朝廷以吏多滯事 案此繫于仁宗即位之後下又有

四年十月皆不書紀元誤也

乃入白於宰相曰尙書言是也 案曰上有脫文

趙師魯傳

霸州文安縣人 攷異云縣字衍

張思明傳

延祐三年拜中書參知政事 案紀在四年宰相表同此誤

仁宗即位 案止已書皇慶延祐年事此復云仁宗即位儼

矣

及拜住為左丞相與帖木迭兒各樹朋黨賊害忠良思明懼
禍及累表辭不獲後竟誣以不支蒙古子女口糧餓死四

本證二十二 證誤二十二 會稽徐氏重榮

百人遂廢於家 攷異云案拜住賢相何至有賊害忠良之事此史之誣也攷拜住傳鐵木迭兒引參知政事張思明爲左丞以助已思明爲盡力忌拜住方正每與其黨密語謀中害之二年七月奏召思明詣上都數其罪杖而逐之與此傳所云正相矛盾文宗紀天曆二年御史劾奏張思明在仁宗朝阿附權臣鐵木迭兒間謀兩宮仁宗灼見其姦旣行黜降及英宗朝鐵木迭兒再相復授爲左丞稔惡不悛竟以罪廢今又冒居是官宜從黜罷詔罷之然則思明之爲人大略可知本傳多曲筆未足深信

能治民足國之道因以衰老辭帝未允明日卽移告去案紀思明爲監察御史劾罷而傳云移告亦飾詞也

吳元珪傳

至治元年英宗卽位 案繫卽位于改元之後誤

張昇傳

至大初改太常寺爲太常禮儀院 案紀在大德十一年

元統元年順帝卽位 案誤同吳元珪傳

王約傳

約首奏河南行省丞相卜憐吉台勦闕舊臣不宜久外召至封河南王 案卜憐吉台卽不憐吉帶封河南王紀在延

祐元年此書皇慶改元下誤

至治元年英宗即位 案誤同吳元珪傳

王結傳

臨川吳澄 案本傳云撫州崇仁人

賀勝傳

至元二十八年桑哥敗罷尙書省政歸中書以勝參知政事

案上已書至元此衍紀是年二月賀勝爲尙書省參知

政事五月罷尙書省事改參知中書政事傳失書尙書省

初開平人張弼家富弼死其奴索錢民間弗得歐負錢者至

死有治其獄者教奴引弼子并下之獄丞相鐵木迭兒受

其賂六萬緡終不爲直勝聞弼事以語御史中丞楊朶兒

只朶兒只以語御史玉龍帖木兒徐元素遂劾奏丞相逮

治其左右 攷異云案鐵木迭兒傳云上都富人張弼殺

人繫獄鐵木迭兒使家奴脅畱守賀伯顏即賀勝使出之伯

顏持正不可撓而朶兒只已廉得丞相所受張弼賂有顯

徵乃與蕭拜住及伯顏奏之楊朶兒只傳與此略同 與此傳互異彼

云弼殺人繫獄此云弼家奴殺人而引其子彼云鐵木迭

兒脅勝使其獄不可又與楊朶兒只共奏之此云勝聞

弼事以語朶兒只不與同奏又此傳云鐵木迭兒受賂六

萬緡鐵木迭兒傳云受弼鈔五萬貫而楊朶兒只傳云受

本登二十二 證誤二十一 九 會稽徐氏重校

弼賊鉅萬萬皆其異也

楊朶兒只傳

江西寧夏人 案本史傳例以蒙古色目為一類漢人南人為一類河西乃色目朶兒只與察罕曲樞諸人同時當在列傳第二十三四卷今與漢人並列誤矣

趙世延傳

其先雍古族人

案雍古亦色目誤與楊朶兒只傳同

繼培案仁

宗紀延祐元年省臣奏漢人參政用儒者趙世延其人也帝曰世延誠可用然雍古氏非漢人其署宜居右則色目之與漢人當時已不能辨矣

曾祖黜公為金羣牧使太祖得其所牧馬黜公死之 案按

竺邇傳黜公為金羣牧使歲辛未驅所牧馬來歸太祖終其官與此異

祖按竺邇至文州吐蕃萬戶達魯花赤 案按竺邇自有傳此贅

野峻台黃州路總管 案當云野峻台自有傳在忠義傳敘官贅

虞集傳

宋丞相允文五世孫也 案允文傳在宋史此應書里居

歐陽元傳

延祐元年詔設科取士 案仁宗紀在皇慶二年

宋本傳

本證二十二
蒙古千戶使京師宿邸中適民間朱甲妻女車過邸門千戶
悅之并從者奪以入朱泣訴于中書旭滅僕庇不問 繼
培案張珪傳云比者也先鐵木兒之徒遇朱太醫妻女過
省門外強拽以入姦宿館所事聞有司以扈從上都爲解
竟弗就鞠當卽一事而傳聞異詞也

謝端傳

史杠宣慰荆南數加延禮薦之姚樞 案端卒于順帝至元
六年年六十二溯其生年當在世祖至元十六年姚樞傳
云卒于世祖至元七年安能見端傳誤甚矣攷異云姚樞
是姚燧之譌

呂思誠傳

吏部尙書俛哲篤左司都事武祺等建言更鈔法 攷異云
思誠與俛哲篤論鈔法已見食貨志

李好文傳

西蜀奉使以私憾摭拾廉訪使曾文博僉事兀馬兒王武事
文博死兀馬兒誣服武不屈以輕侮抵罪好文曰奉使當
問民疾苦黜陟邪正今行省以下至于郡縣未聞舉劾一
人獨風憲之司無一免者此豈正大之體乎率御史力辨
武等之枉并言奉使不法者十餘事 攷異云案此時奉
使西蜀者荅爾麻失里王守誠也守誠傳云初四川廉訪

使某與行省平章某不相能誣宣使蘇伯延行賄于平章某瘕死獄中至是伯延親屬有愬會茶鹽轉運司官亦訟廉訪使累受金廉訪使倉皇去官至揚州死副使以下皆以事罷憲史四人奉差一人籍其家而竄之餘皆斥去卽好文所云風憲之司無一免者也彼傳稱奉使風采聳動天下論功爲諸道最而此傳言其私憾摭拾人罪并諸不法事褒貶互異如此何以取信後世乎

任速哥傳

泰定中倒刺沙用事天變數見速哥乃密與平章政事速速謀案文宗紀致和元年七月泰定帝崩八月甲午燕鐵

木兒掌樞密符印前湖廣行省右丞速速爲中書左丞戊午爲中書平章政事泰定中速速未爲平章政事也傳誤又爲都水使者居官恂恂無幾微自伐之意人或詢以翊戴之事往往遜謝終無所言君子尤以是多之案傳不詳所終且泰定當亡而先謀立懷王臣節戾矣因其不以翊戴自伐而曰君子多之曲筆也

李稷傳

至正十九年丁母憂案上文已有至正此衍

陳祖仁傳

太監縣尹案地理志太當作泰

成遵傳

至正十七年陞中書左丞階資善大夫分省彰德 攷異云
案順帝紀至正十七年詔中書右丞也先不花御史中丞
成遵奉使宣撫彰德大名廣平東昌東平曹濮等處獎勵
將帥百官志同是遵之往彰德乃奉使宣撫非分省也遵以至
正十七年拜左丞紀表失載其月日而由左丞除御史中
丞則表繫之九月蓋以中丞奉使使旋仍入中書傳既漏
除中丞一節又誤書奉使為分省皆失之甚者也凡以省
官出鎮謂之分省遵既除中丞以行則是臺官非復省官
故知本傳所書分省者傳聞之訛也

曹鑑傳

泰定七年 案紀泰定止四年七字誤

張翥傳

因受業於李存先生 案稱先生非例下仇遠先生誤同
遂曾曾傳

天曆二年進士第 案二當作三

元史本證二十二

光緒十五年 徐氏鑄學齋重刊

上虞王士濟校

會稽徐氏重刊

紹興先正遺書甲集之四

元史本證卷二十三

證誤二十三

蕭山汪輝祖 男繼培補

儒學傳一

許謙

其先京兆人 至謙五世為金華人 攷異云此傳敍先世凡八十言乃誌狀之文無當於國史當盡刪之但云婺州

金華人

陳櫟

臨川吳澄 案本傳云撫州崇仁人

儒學傳二

本證二十三 證誤二十三

會稽徐氏重校

熊朋來

豫章人 案元無此郡縣名

牟應龍

其先蜀人後徙吳興 案元無吳興名

陳旅

適御史馬雍古祖常使泉南 案祖常為雍古人綴於名則

贅矣

宇文公諒

祖徙吳興今為吳興人 案誤同牟應龍傳

至順四年登進士第 攷異云即元統癸酉歲也

良吏傳一

譚澄

父資榮金末為交城令 至舉弟資用自代 案資榮自有傳

此贅世祖紀至元十一年十二年並作覃澄亦與傳異 攷

云王惲中堂事紀亦有懷孟總管覃澄又見交城縣萬卦山石刻辛卯年中書省公據後列交城縣長官覃資榮名又濟源縣濟瀆廟有中統元年祭濟瀆碑後列懷孟州總管覃澄名又中統五年濟祠投龍簡碑文稱總管覃侯後列宣授懷孟路總管覃澄名可證資榮父子本姓覃而傳作譚者誤也

以其弟山代為交城令 案資榮傳名山阜此脫阜字

許楫

幼從元裕學 案當作元好問證詳郝經傳

卜天璋

丞相順德王當國 案順德王乃哈刺哈孫薨後追封此當

稱名

良吏傳二

林興祖

至治二年登進士第 案紀當作元年

忠義傳一

李伯溫

守賢之孫穀之子也 攷異云李守賢傳末亦云穀子十一人伯溫見忠義傳與此文合及攷其傳首云金大安初守

賢暨兄庭植弟守正守忠從兄伯通伯溫歸款則伯溫乃守賢之從兄前後自相矛盾今據此傳稱伯溫長兄惟則次伯通歲甲戌錦州張致叛國王木華黎命擊之大戰城北伯通死焉若伯溫爲守賢之孫則伯通亦守賢孫矣守賢以甲午歲卒年四十六則甲戌歲年僅二十六安得有孫且能履行陳乎穀卒於至元七年庚午年四十九溯其生年當在壬午守忠以丁亥歲被執伯溫亦失利死節其時穀才六歲耳而史以伯溫爲穀子何其謬乎推求其故此傳之誤實因於守賢傳然彼傳云伯溫見忠義傳者因篇中有與從兄伯通伯溫歸款之文牽連書之非謂伯溫

在穀子十一人之數也史家不諳文義遂至謬妄乃爾繼
培案太祖紀張致叛錦州在乙亥其甲戌叛者乃張鯨也
子守正自幼時嘗質於木華黎 攷異云據李守賢傳則守
忠守正與伯溫爲從昆弟此傳旣云平陽已陷弟守忠被
執伯溫謂左右曰吾兄弟仗節擁旄受方面之寄吾弟已
被執我不可再辱則亦以守忠爲伯溫弟矣守忠爲守正
之兄則守正亦伯溫之弟而此乃云子守正竟似守正守
忠皆伯溫子一篇之中自相矛盾如此

歲庚寅上黨晉陽合兵攻汾州將陷守正以義赴援 攷異
云案守忠死於丁亥四月而守正之戰歿更在其前庚寅

在丁亥後四年守正死已久矣此事有誤或云當爲庚辰
之譌

耶律忒末

父丑哥仕遼爲都統遼亡不屈節夫婦俱死焉金主憫其忠
義授忒末都統歲甲戌國兵至金遷於汴忒末及子天祐
率衆三萬內附 攷異云案遼亡於乙巳歲至元太祖甲
戌相距九十載使忒末果於遼亡時授官計其年當近百
歲豈復能從征又閱十餘年而戰歿乎

伯八

祖明里也赤哥嘗隸太祖帳下初怯烈王可罕與太祖爲鄰

國誓相親好既而敗盟與其子先髡潛謀欲襲太祖因遣使通問許以女妻太祖弟合撒兒至期太祖欲往明里也赤哥疑其詐諫止之繼培案太祖紀帝欲爲長子朮赤求婚於汪罕卽王可罕女抄兒伯姬汪罕之子禿撒合亦欲尙帝女火阿眞伯姬俱不諧自是頗有違言歲癸丑汪罕父子謀欲害帝乃遣使者來曰向者所議媼事今當相從請來飲布渾察兒帝以爲然率十騎赴之至中道心有所疑命一騎往謝帝遂還與此異

忠義傳二

郭嘉

濮陽人祖昂父惠俱以戰功顯案郭昂傳作彰德林州人

樊執敬

諡案諡失書

忠義傳四

趙宏毅

嘗受經於臨川吳澄案澄傳云撫州崇仁人

孝友傳一

王薦

福寧人案文宗紀至順元年福州王薦以隱逸旌門傳云至大四年宣慰司上狀旌之亦不以隱逸豈兩旌耶

尹莘傳

汴梁洧川人 案紀至順元年以汴梁尹華孝行旌其門此
作莘未知孰是

隱逸傳

張特立

州多金國戚 至 遂歸田里 案共二百十餘言皆仕金事且
與隱逸無涉非史例也

列女傳一

闕文興妻王氏

至順三年事聞贈文興侯爵諡曰英烈王氏曰貞烈夫人

案順帝紀元統二年贈文興英毅侯王氏貞烈夫人廟號
雙節當是事聞於至順三年而贈在元統二年英烈英毅
未知孰是然成宗紀大德元年十二月已書旌表烈婦漳
州招討司知事闕文興妻王氏則又在至順先矣

李君進妻王氏

買哥妻耶律氏 案買哥為耶律阿海子妻耶律氏阿海傳
作移刺氏耶律移刺聲本相近故劉秉忠傳稱耶律楚材
為移刺中丞阿海子買哥及五世孫忽都不花皆娶移刺
氏蓋同氏而不同姓也

列女傳二

也先忽都

蒙古欽察氏 案欽察乃色目非蒙古

王時妻安氏

時以參知政事分省太原 案地理志太原當作冀寧

方技傳

田忠良

十二月諸王昔里吉劫皇子丞相以入海都 案紀事在至

元十四年七月傳繫于十二年十二月疑誤證詳世祖紀

姦臣傳

阿合馬

回紇人也 案下文述世祖語稱回回人

秋八月罷領中書左右部併入中書超拜阿合馬為中書平

章政事 案世祖紀在至元元年十一月

十五年四月中書左丞崔斌 案斌傳乃江淮行省

以忽辛為中書右丞 案紀至元十六年乃潭州行省

右丞燕帖木兒 案即崔斌小名當作左丞

叛臣傳

李壇

太祖十六年全叛宋舉山東州郡歸附太師國王李魯承制

拜全山東淮南楚州行省 攷異云案李全之降據太祖

紀在二十一年丙戌歲此誤且木華黎以太祖十八年卒而
李魯嗣之若云十六年則李魯未爲國王也

外國傳

高麗

十三年帝遣哈只吉劄刺等領兵征之高麗王名奉牛酒出

迎案太祖紀是年高麗王瞰降本傳瞰名亦屢見此云

名闕何失檢至此

自大德二年復位八年而薨案紀距自大德二年復位至

武宗至大元年薨凡十一年

諫則更名章云案諸王表章當作璋

日本

元世祖之至元一年案一當作元

十八年正月命日本行省右丞相阿刺罕案本傳作左丞

相

范右丞李左丞案范文虎李名庭

十萬之衆得還者三人耳繼培案相威傳云士卒十喪六

七阿塔海傳云喪師十七八李庭傳云士卒存者十無一

二此又云得還者三人彼此互異乃傳前云阿刺罕等率

十萬人征日本此亦云十萬之衆而中復云棄士卒十餘

萬於山下更自相矛盾矣

安南

至元四年十一月詔封皇子為雲南王往鎮大理鄯闡交趾諸國 繼培案紀封王在八月出鎮在九月

亡宋官蘇少保子蘇寶章陳尙書子陳丁孫 案少保名劉義尙書名宜中並見世祖紀至元十三年

緬

大理路蒙古千戶忽都 繼培案信苴日傳作萬戶

二十年十一月相吾荅兒命也罕的斤云云破其江頭城

案紀在二十一年正月也罕的斤傳同

占城

十五年右丞唆都以宋平遣人至占城還言其王失里咱牙信合八刺哈迭瓦有內附意詔降虎符授榮祿大夫封占城郡王 繼培案世祖紀封占城郡王立占城行省以唆都為右丞在至元十八年唆都傳亦云十八年改右丞行省占城此誤

十六年十二月遣兵部侍郎教化的總管孟慶元萬戶孫勝夫與唆都等使占城諭其主 繼培案紀十七年十一月遣宣慰使教化孟慶元等持詔諭占城國主豈再往耶

元史本證二十三

本證二十三 證誤二十三

九

會稽徐氏重棗

光緒十五年徐氏鑄學齋重刊

上虞王士濟校

元史本證卷二十四
蕭山汪輝祖男繼培補
本史之例五行地理百官諸王宰相紀皆瑣悉書之然事
當詳於志表不必復舉所遺也錄其要者如左
明宗紀
廟號明宗 案文宗紀天曆二年十月國言諡號曰護都篤
皇帝順帝紀至元六年十月甲申奉玉冊玉寶尊皇考為
順天立道睿文智武大聖孝皇帝
順帝紀
至正十七年 案百官志入選舉是年三月廷試舉人賜倪

紹興先正遺書甲集之四

元史本證卷二十四

蕭山汪輝祖男繼培補

本史之例五行地理百官諸王宰相紀皆瑣悉書之然事
當詳於志表不必復舉所遺也錄其要者如左

明宗紀

廟號明宗 案文宗紀天曆二年十月國言諡號曰護都篤
皇帝順帝紀至元六年十月甲申奉玉冊玉寶尊皇考為
順天立道睿文智武大聖孝皇帝

順帝紀

至正十七年 案百官志入選舉是年三月廷試舉人賜倪

本證二十四 證遺一 一 會稽徐氏重刊

徵王宗嗣等進士及第進士出身同進士出身有差凡五十有一人

天文志一

天文五行皆有志而紀之所書或倍之詳略失當矣要非若地理百官之足資攷證也惟日食爲天變之大俱案紀補之

日薄食 案紀大德元年四月癸巳朔日有食之 至元四年八月癸亥朔日有食之 至正二年八月庚子朔日有食之十月己亥朔日有食之 五年九月壬午日有食之 六年二月庚戌朔日有食之 七年正月甲辰朔日有

食之 八年七月丙申朔日有食之 九年十一月戊午朔日有食之 十五年五月己酉朔日有食之 十二年四月癸卯朔日有食之 十三年九月乙丑朔日有食之 十七年正月丙子朔日有食之 二十年五月丁亥朔日有食之 二十七年六月丙午朔日有食之

地理志一

建置沿革因地設官紀詳而志佚者錄之地名不見於志者附錄各省之未荒遠弗登遵本史例也

中書省大都路至元二十一年置大都路總管府 案紀至元二十七年改都總管府

警巡院 案紀大德九年置大都南城警巡院至大三年增

大都警巡院二分治四隅

薊州豐閏縣 至元二年省入玉田四年以路當要衝復置 案紀至元十三年薊

州復置豐閏縣疑四年後又嘗罷矣 攷異云案孫慶瑜豐閏縣記太祖庚辰歲

陞豐閏為閏州至元初并入玉田未及周歲縣治仍舊志不言陞州事史之漏也又攷世祖紀稱至元十三年薊州復置豐閏縣今據慶瑜記成于至元七年其時

慶瑜正為縣令則紀書十三年復置者誤矣

上都路順寧府中統四年改宣德府 案紀延祐五年以宣

德府隸大都路泰定元年以宣德府復隸上都畱守司

保安州領一縣永興 案紀延祐六年併永興縣入奉聖州

即保安州

蔚州 案紀至大元年陞蔚昌府

興州領二縣興安宜興 案紀天曆元年陞宜興縣為州後

至元五年革興州興安縣

興和路金陞撫州 案世祖紀歲甲寅 憲宗四年 復立撫州中統

三年陞撫州為隆興府 志 至元四年析上都路隆興府自

為一路行總管府事至大元年降隆興為源州四年罷中

都畱守司復置隆興路總管府皇慶元年改隆興路為興

和路

懷安 元初隸宣德府中統三年來屬 案紀至元十七年隆興路楊門站復

為懷安縣是中統三年後曾廢也

寶昌州金置昌州延祐六年改寶昌州 案紀以故昌州寶山縣置

永平路灤州金領義豐馬城石城樂亭四縣元至元二年省義豐入州三年復置先以石城省入樂亭其年改入義豐

案英宗紀延祐七年併永平路灤邑縣於石城是石城于至元三年後復置本路又別有灤邑縣也

德寧路領縣一德寧 案紀大德九年以黑水新城為靖安路延祐五年改靜安路為德寧路靜安縣為德寧縣

泰寧路領縣一泰寧 案紀延祐二年改遼陽泰州為泰寧府四年二月陞泰寧府為泰寧路仍置泰寧縣四月以太

寧路隸遼陽省 遼陽省有大寧路疑太或當作大然二今年亦稱遼陽泰州則此必泰寧之誤 今隸中書省未知改於何時

應昌路

全寧路 案特辭禪傳至元七年幹羅陳萬戶及其如囊加真公主請于上都東北三百里荅兒海子本藩駐夏之地建城邑以居遂名其城為應昌府 即紀是年八月設應昌府官吏也 二十

二年改為應昌路元貞元年公主又請以應昌路東七百里駐冬之地砌建城邑成宗紀大德元年陞全州為全寧府七年陞全寧府為全寧路 傳云大德元年名其城為全寧路誤 順帝至正

十四年復立應昌全寧二路先是有詔罷之以撥屬魯王

馬某沙王傅府至是有司以爲不便復之

寧昌路領縣一寧昌 案紀延祐五年置寧昌府至治二年

陞寧昌府爲下路增置一縣

廣平路磁州領四縣滏陽武安邯鄲成安 案紀元統二年

勅立武安縣廢立之故無攷

懷慶路憲宗七年改懷孟路 案紀至元二年以淇州隸懷

孟路此及淇州下俱失書

河閒路滄州 案紀至元二十五年以滄州之軍營城爲滄

溟縣延祐元年徙滄州治于長蘆鎮志失書徙治及滄溟

縣

濟寧路 案紀至元十三年置宣慰於濟寧路至正八年黃

河決遷濟寧路于濟州十一年立中書分省于濟寧

山東東西道宣慰司 案紀至正六年改立山東東西道宣

慰使司都元帥府又至大二年以益都濟南般陽三路寧

海一州屬宣慰司餘並令直隸省部志惟益都隸宣慰餘

俱隸廉訪

益都路金爲益都路總管府 案志失書元事據紀元亦爲

益都路國初嘗置行省至元三年罷二十四年移濟南宣

慰司治益都

沂州 案紀至正十六年置河南廉訪司于沂州

般陽府路淄州 案紀中統四年以淄登萊三州爲總管府

治淄州

新城 本長山縣驛臺太宗在潛以人民完聚劫置曰新城以田索二鎮屬焉 案紀至元十九

年併淄萊路田索二鎮仍于驛臺立新城縣治當是復置

登州 案紀至正十一年立山東分元帥府于登州

濰海州 案紀至元二十八年以濰海二州隸山東宣慰司

海州當卽濰海州今隸廉訪司濰州之名則不見於志 世祖

紀濰州

河東山西道宣慰使司 案紀至元二十六年河東山西道

宣慰司治大同至大元年省河東宣慰司

大同路遼爲西京大同府 案紀至元元年十五年並有西

京宣慰司十九年罷至大元年以大同路隸中都留守司

中都罷後當隸中書省

雲內州 案紀延祐六年置雲南縣隸雲內州

冀寧路 案紀至大元年冀寧晉寧二路隸中書省今隸河

東山西道肅政廉訪司

保德州 案紀大德元年陞隰州巡檢司爲河曲縣隸保德

州

晉寧路元初爲平陽路 案紀至元十八年平陽路松山縣

旱志無松山名 上都路松山縣中統四年陞松州

附錄

中都開寧路 案武宗紀大德十一年六月建行宮于旺兀察都之地立宮闕為中都至大元年七月立中都雷守司兼開寧路都總管府十二月中都立開寧縣以大同路隸中都雷守司三年七月中都立光祿寺仁宗紀至大四年正月罷城中都四月罷中都雷守司

嶺北省和寧路 案紀大德二年置和林宣慰司都元帥府四年以和林都元帥府兼行宣慰司事

地理志二

遼陽省遼陽路至元六年置東京總管府 案紀至元三年

立東京廣寧懿州開元恤品合懶婆婆娑等路宣撫司十五年以征東元帥府治東京二十三年二月立東京等處行中書省三月徙東京行中書省于咸平府七月罷遼陽等處行中書省志皆失書二十四年立行尚書省志云行省亦略

蓋州 案五行志元貞元年六月蓋州明山縣嶼志無明山名

懿州 案紀至正二年陞懿州為路以大寧路所轄興中義州屬懿州

大寧路元初為北京路 案紀至元二年正月有北京路行

省十一月宋子貞請罷北京行中書省別立宣慰司以控
制東北州郡九年改北京行尚書省此當是罷為行中書

省十五年改北京行省為宣慰司二十三年二月罷宣慰

司詳開元七月復置

龍山至元四年屬利案五行志元貞元年六月利州龍山

州後復來屬縣縣嶼是元貞時尚隸利州也

義州 案紀至元七年以義州隸婆娑府志東寧路下至正

二年屬懿州

興中州 案紀至正二年屬懿州

開元路 案紀中統二年以開元路隸北京宣撫司四年罷

開元路宣慰當作司至元十五年改開元宣撫司為宣慰

司二十三年二月罷山北遼東道開元等路宣慰司北京

當在其中七月復置紀云復北京咸平等三道宣慰司無又二

十七年二月開元路寧遠等縣饑民站戶逃徙發鈔賑之

是開元路有屬縣也

咸平府 案紀至元二十三年徙東京行中書省于咸平府

至正二年降咸平府為縣

附錄

金復州 案紀元貞元年二年至正十九年並有金復州

兵志三金復州萬戶府屯田屬遼陽行省

鎮寧州 案紀至正十一年罷海西遼東道巡防捕盜所
立鎮寧州

河南省汴梁路金改南京 案紀至元十年立河南宣慰司
十九年罷南京宣慰司二十年復立南京宣慰司二十二
年立汴梁宣慰司汴梁以南至江以魏王鎮之

陳州至元二年南頓項城清水皆廢後復置南頓項城 案
紀至大元年復立汴梁路之項城縣延祐二年復陳州商
水鎮爲南頓 刊本作縣
屯誤

河南府路洛陽 案百官志八至正十九年罷洛陽招討軍
民萬戶府置宣慰司紀至正二十六年罷洛陽嵩縣宣慰

司志亦無嵩縣

鞏縣 案紀至正二十年以鞏縣改立軍州萬戶府招民屯
種

南陽府 案梁曾傳至元十六年除知南陽府唐鄧二屬州
爲襄陽府所奪曾案圖經稽國制以聞事得復舊

唐州領一縣泌陽 案紀至元九年復唐州泌陽縣大德五
年省泌陽 紀脫
陽字 縣入唐州

汝寧府息州 案紀至元三年罷息州安撫司四年罷息州
安撫岳林以其民隸南京路

新蔡 案紀至元四年立

信陽州 案紀至元二十九年割湖廣之信陽隸荆湖北道

隸河南省

歸德府至元二年以虞城碭山二縣割屬濟寧府領縣四下

當作夏邑 案紀至元八年復立夏邑縣以碭山入焉

徐州 案紀至正八年陞徐州為總管府以邳宿滕嶧四州

隸之十三年降徐州路為武安州以所轄縣屬歸德府其

滕州嶧州仍屬益都路

宿州

邳州 案紀並中統三年復立

襄陽路襄陽 案紀至元十四年復立襄陽府襄陽縣

南漳 案紀至元十四年均州復立南漳縣今南漳屬襄陽

蘄州路至元十二年立淮西宣撫司

黃州路 案紀至元十四年置宣慰司于黃州 志云總管二府疑誤

十一年省黃州宣慰司入淮西道二十三年罷蘄黃宣慰

司以黃蘄隸湖廣行省 志云直隸行省不繫湖廣誤 二十九年以蘄黃

隸淮西道隸河南省三十年改淮西蘄黃等路隸河南江

北行省大德三年罷淮西道宣慰司

廬州路無為州巢縣 案紀至元二十三年降鎮巢府為巢

州二十八年降巢州為縣

六安州 案紀至元二十三年以六安隸淮西宣慰司

安豐路 案紀至正十二年置安豐分元帥府

霍邱 案紀元統二年立霍邱縣當是復立

安慶路錄事司 案紀大德元年設

揚州路 案紀至元二十六年徙江淮省治杭州改浙西道

宣慰司為淮東道宣慰司治揚州即志所云復立淮東宣

慰也皇慶二年改淮東淮西道宣慰司為淮東宣慰司至

正十二年立淮南江北等處行中書省治揚州轄揚州高

郵淮安滁州和州廬州安豐安慶蘄州黃州

真州揚子縣 案紀至元二十八年移揚子縣治新城

淮安路泗州天長 案紀至正十五年立淮東等處宣慰使

司都元帥府于天長縣

安東州 案紀至元十二年置安東分元帥府

荆湖北道宣慰司 案百官志入至正十一年荆湖北道宣

慰使司兼都元帥府


德安府 案紀至元三十年改德安府隸黃州路

元史本證二十四

光緒十五年 徐氏鑄學齋重刊

上虞王士濟校

本證二十四 證遺一 二 會稽徐氏重刊



本誌
二十四

二

